

Bang

tekst en muzyk: Geartsje Douma

The musical score is written on two staves in G minor, 2/4 time. The first staff contains the melody for the first line of lyrics, with chords Dm, Bb, Am, Dm, Bb, and Am above it. The second staff contains the melody for the second line of lyrics, with chords Gm, C, F, Dm, A7, and Dm above it. The piece ends with a double bar line and a fermata over the final note.

Ik lis op bêd en ik bin bang: dêr sit in spin op it be-hang! In
spin, in grut-tê grou-we spin, dy't my wol pak-ke pak-ke kin. *Help!!!*

2 Mem komt en aait my oer it wang.
Se pakt de spin fan it behang,
se goait 'm 'hopla' troch it rût,
jout my in krûpke en in tût.
Lekker sliepe!

Fariaasje:

- Ynstee fan mem kin ek heit songen wurde.

Suggestjes:

- Under it sjongen de folgjende gebaren meitsje:

Kûplet 1

Rigel 1: de hannen foar de eagen dwaan en yninoar krûpe,
Rigel 2 en 3: ien hân foar de eagen weidwaan en dêrmei nei de spin wize.
Rigel 4: mei beide hannen 'gryp' bewegingen meitsje.

Kûplet 2

Rigel 1: oer it wang aaie.
Rigel 2: sabeare de spin pakke.
Rigel 3: de spin sabeare út it rût goaie.
Rigel 4: in hân tsjin it wang dwaan en mei de fingers de lippen oanreitsje.

- It ferske útspylje mei in mem of heit en in bern.
- Prate oer bang wêzen en oer treasten.
- Poppekast spylje, b.g.: Jan Klaassen is bang foar in spin.
- Tekenje, skilderje of nifelje oer it ferske.